

卷  
伍伍肆  
壹拾玖

第十七本

新  
增  
全圖足本醫宗金鑑

海上

書新啟

行發



御纂醫宗金鑑卷四十九

編輯婦科心法要訣

乳證門

乳汁不行證治

加味四物湯

產後血虛乳汁少四物花粉不留行木通猪蹄湯熬服葱白煎湯乳房淋註

產後乳汁不行因去血過多血少不行者宜四物湯加花粉王不留行木通猪

蹄熬湯煎藥服外用葱白煎湯時時淋洗乳房以通其氣

湧泉散

氣脈壅塞乳脹痛湧泉散用白丁香王不留行天花粉漏蘆殭蠶猪蹄湯註

產後乳汁不行因瘀血停留氣脈壅滯者其乳必脹痛宜用湧泉散即白丁香

王不留行花粉漏蘆殭蠶猪蹄湯煎服也

乳汁自湧證治

兔懷散

麥芽煎

產後乳汁暴湧出十全大補倍參者食少乳多欲迴乳兔懷紅花芍膝歸無兒





食乳乳欲斷炒麥芽湯頻服宜註產後乳汁暴湧不止者乃氣血大虛宜平全大補湯倍用人參黃耆若食少乳多欲迴其乳者宜免懷散即紅花赤芍牛膝歸尾也若無兒食乳欲斷乳者用麥芽炒熟熬湯作茶飲之

乳證總括

乳房忽然紅腫痛往來寒熱乳癰成乳被兒吹因結核堅硬不通吹乳名初起結核不腫痛年深內潰乳巖形乳頭生瘡名妬乳細長垂痛乳懸稱註婦人乳房忽然紅腫堅硬疼痛憎寒壯熱頭痛者此欲成乳癰也若乳兒之時乳被兒口中氣吹以致乳管不通結核者名曰吹乳更有乳內結核如圍棋子不腫不痛但堅硬不散日久內潰者謂之乳巖其證甚凶若乳頭生小細瘡痛者為妬乳若瘀血上攻乳房忽然細小下垂長過於腹此名乳懸惟產後有之

乳癰證治

消毒飲

乳癰初起消毒飲青芷歸柴浙貝宣花粉銀花蠶草節寒熱荆防羌獨添膿成皂刺穿山甲潰後益氣養榮煎註乳癰乃陽明厥陰二經風熱壅盛初起宜服消毒飲即青皮白芷當歸柴胡浙貝母花粉金銀花殭蠶甘草節也若兼憎

寒壯熱者加荆芥防風羌活獨活以解散之若服後不消其膿已成者宜加皂角刺穿山甲以穿發之若潰後氣血虛者宜益氣養榮湯培補之他如潰久膿清不斂又須急服大劑參耆桂附矣

益氣養榮湯

方見前首  
卷黨方內

吹乳證治

枯萋散

外敷法

吹乳結核枯萋散乳沒歸甘用酒熬更加皂刺名立效已成膿潰未成消外敷星夏蠶芷刺草烏為末蜜葱調註吹乳結核不散者當早消之久則成癰宜用枯萋散即枯萋實乳香沒藥當歸甘草酒熬服也若服後不散者加皂角刺名立效散膿成者潰未成者消外用南星半夏殭蠶白芷皂角刺草烏為末用葱汁合蜜調敷

乳巖證治

十六味流氣飲

青皮甘草散

乳巖鬱怒損肝脾流氣飲歸芍參耆芍防蘇芷枳桔草檳榔烏朴桂通隨外熨木香生地餅青皮甘草服無時潰後不愈須培補十全八珍或歸脾註乳巖



之證初起結核如圍棋子大不痛不癢五七年或十餘年從內潰破嵌空玲瓏  
洞竅深陷有如山巖故名乳巖皆緣抑鬱不舒或性急多怒損傷肝脾所致宜  
速服十六味流氣飲其方即當歸白芍人參黃耆川芎防風蘇葉白芷枳殼桂  
梗甘草檳榔烏藥厚樸官桂木通外以木香生地搗餅以熟器熨之且不時以  
青皮甘草為末煎濃薑湯調服戒七情遠葷味解開鬱怒方始能愈若潰後久  
不愈惟宜培補其氣血或十全大補湯八珍湯歸脾湯選用之

十全大補湯

八珍湯

歸脾湯

方俱見  
首卷

妬乳乳懸證治

鹿角散

連翹散

妬乳甘草鹿角散雞子黃調炙敷之連翹散防升元芍斂射硝黃甘杏宜瘀血  
上攻乳懸證芍歸湯飲薰鼻施不應單麻貼頂上乳收即去莫遲遲註乳頭  
生瘡謂之妬乳宜鹿角散敷之即鹿角甘草為末雞子黃調銅器內炙敷之內  
服連翹散即防風升麻元參白芍白斂射干芒硝大黃甘草杏仁也若產後瘀  
血上攻兩乳細長下垂過腹者謂之乳懸宜濃煎芍歸湯不時飲之以其餘藥  
薰鼻則瘀散乳即上升如不上者更以單麻仁搗貼頂心收即去之



芎歸飲 即佛手散  
方見首卷

乳證門彙方

消毒飲

青皮

白芷

當歸

柴胡

浙貝母

殭蠶

花粉

金銀花

甘草節 各等

共剉末水煎服

栝蒌散

栝蒌

乳香

沒藥

當歸

甘草 各等

以上為末酒煎服 加皂角刺  
各立效散

十六味流氣飲

當歸

白芍

人參

黃耆 各二錢

川芎

防風

蘇葉

白芷

枳殼

桔梗 各一錢

甘草

檳榔 各五分

烏藥

厚朴

官桂

木通 各八分

共剉為末每服五錢水煎服

青皮甘草散

青皮

甘草 各一錢

共為末煎薑湯調服

鹿角散

鹿角

甘草 各等

共為末雞子黃調銅器內灸敷之

連翹散

防風

元參 各二錢

白斂

芒硝

大黃

射干 各一錢

升麻 五分

白芍 一錢

甘草 五分





杏仁二十粒

以上劉薑水煎服

加味四物湯

當歸

白芍

熟地

川芎

花粉

王不留行炒

木通各二錢

以上七味猪蹄熬湯煎服

湧泉散

白丁香

王不留行

花粉

漏蘆各二錢

用猪蹄湯煎服

免懷散

紅花

赤芍

歸尾

牛膝各二錢

共剉末水煎服

麥芽煎

麥芽三兩

水煎作茶飲

前陰諸證門

陰腫證治

龍膽瀉肝湯

薰洗法

騰熨法

婦人疝瘕兩拗痛玉門腫脹墜而疼溼熱龍膽瀉肝治導赤車前澤瀉芩當歸

梔子龍膽草氣虛下陷補中升艾防大戟熬湯洗枳實陳皮炒熟騰註婦人

子戶腫脹墜痛及兩拗疼痛者謂之疝瘕乃肝心二經火盛溼熱下流所致宜

服龍膽瀉肝湯其方即導赤散生地木通甘草再加車前子澤瀉黃芩當歸黑





梔子龍膽草也若因中氣素虛下陷重墜者用補中益氣湯以升舉之外用蘄艾防風大戟熬湯薰洗更以枳實陳皮二味為末炒熱騰之其腫自消而痛自定也

陰痛證治

加味道遙散

乳香四物敷法

陰中痛名小戶嫁痛極手足不能舒內服加味道遙散四物乳香搗餅敷  
婦人陰中作痛名小戶嫁痛痛極往往手足不能伸舒由鬱熱傷損肝脾溼熱下注所致宜內服道遙散加丹皮梔子外以四物湯料合乳香搗餅納陰中其痛即定

道遙散

四物湯 俱見首卷

陰癢證治

桃仁雄黃膏

溼熱生蟲陰戶癢內服道遙龍膽方桃仁膏合雄黃末雞肝切片納中央  
婦人陰癢多因溼熱生蟲甚則肢體倦怠小便淋漓宜服道遙散龍膽瀉肝湯外以桃仁研膏合雄黃末雞肝切片蘸藥納戶中其蟲一聞肝腥皆鑽肝內吮食將肝提出其病即愈



逍遙散 方見首卷

龍膽瀉肝湯 方見前陰腫條

陰挺證治

蛇床洗法

藜蘆敷法

陰挺下脫即癩疝突物如蛇如菌形溼熱腫痛溺赤數氣虛重墜便長清氣虛補中青梔入溼熱龍膽瀉肝尋外熬蛇床烏梅洗猪油藜蘆敷自升 詳婦人陰挺或胞絡傷損或因分娩用力太過或因氣虛下陷溼熱下注陰中突出一物如蛇或如菌如雞冠者即古之癩疝類也屬熱者必腫痛小便赤數宜龍膽瀉肝湯屬虛者必重墜小便清長宜補中益氣湯加青皮梔子外用蛇床子烏梅熬水薰洗之更以猪油調藜蘆末敷之無不愈者

逍遙散 方見首卷

龍膽瀉肝湯 方見前陰腫條

陰瘡證治

加味四物湯

蜜蝕成瘡膿水滴時疼時癢蟲行同少腹脹悶溺赤渣食少體倦晡熱烘四物柴梔丹膽草潰腐逍遙墜補中 註 婦人陰瘡名曰蜜蝕由七情鬱火傷損肝脾氣血凝滯溼熱下注久而蟲生蟲蝕成瘡膿水淋漓時疼時癢有若蟲行少腹



脹悶溺赤頻數食少體倦內熱晡熱經候不調赤白帶下種種證見宜分治之  
腫痛者四物湯加柴胡梔子龍膽草若潰爛出水而痛者用加味逍遙散若重  
墜者用補中益氣湯

加味逍遙散

方見前  
陰痛條

四物湯

補中益氣湯

方俱見  
首卷

陰痔證治

烏頭薰法

陰中突肉名陰痔或名茄子疾俗稱黃水易治白難治烏頭存性醋熬薰內服  
逍遙與龍膽補中歸脾酌量行註婦人陰中有肉突出者名曰陰痔俗稱茄  
子疾也流黃水者易治流白水者難治用烏頭燒存性釀醋熬薰內服逍遙散  
補中益氣湯歸脾湯量其虛實酌而行之

逍遙散

歸脾湯

補中益氣湯

方俱見  
首卷

陰冷證治

溫中坐藥

陰冷風寒客子臟桂附地黃丸最宜遠志乾薑蛇床子吳萸為末裹納中註  
婦人陰冷皆由風寒乘虛客於子臟久之血凝氣滯多變他證且艱於受孕宜



多服桂附地黃丸外以遠志乾薑蛇床子吳茱萸研細綿裹納陰中日二易

桂附地黃丸 方見首卷

陰吹證治

膏髮煎

胃氣下泄陰吹喧金匱方用膏髮煎猪膏亂髮同煎服導從溺去法通元氣虛

下陷大補治升提下陷升柴添註婦人陰吹者陰中時時氣出有聲如穀道轉

矢氣狀金匱謂由穀氣實胃氣下泄用膏髮煎即猪膏煎亂髮服也導病從小便

而出其法甚奧若氣血大虛中氣下陷者宜十全大補湯加升麻柴胡以升提之

十全大補湯 方見首卷

交接出血證治

加味歸脾湯

桂心釜墨散

交接出血傷心脾伏龍肝末入歸脾千金桂心釜底墨酒服方寸匕相宜註

婦人每交接輒出血者由傷損心脾二經也宜用歸脾湯加伏龍肝煎服或用

千金方中桂心釜底墨二味為末酒沖服方寸匕自愈

前陰諸證門彙方





龍膽瀉肝湯

生地 一錢

木通

車前子 各一錢五分

澤瀉

黃芩 各二錢

當歸 二錢

黑梔仁

龍膽草 各一錢

生甘草 五分

加燈草一團水煎服

洗方

防風 三錢

蘄艾 一團

大戟 一錢

共三味熬湯

薰洗

騰方

枳實

廣皮 各等分

共為末炒熱騰之

敷方

四物湯 一料

乳香 一錢

共搗餅納戶中其痛即定

桃仁雄黃膏

桃仁 五錢研膏

雄黃 三錢末

以上二味研勻用雞肫肝切

片蘸藥納戶中其蟲即攢入肝而癢自止

陰挺洗法

蛇床子 五錢

烏梅 九枚

共二味熬湯乘熱薰洗

敷方

藜蘆 為末

用猪脂油調敷自收

陰痔薰法

烏梅

用醱醋熬薰自消

温中坐藥方

遠志

乾薑

吳茱萸

蛇床子 各等分

以上為末綿裹納戶内一日二次換

膏髮煎

婦人亂髮 一團

用猪膏熬化服之小便利則





愈

桂心釜墨散

桂心

釜底墨各等

以上二味為末酒服方寸匕

雜證門

熱入血室

加味小柴胡湯

熱入血室經適斷邪熱乘虛血室安寒熱有時如瘧狀小柴胡加歸地丹註  
金匱云婦人中風七八日續來寒熱發作有時經水適斷此為熱入血室其血  
必結故使如瘧狀發作有時小柴胡湯主之此言邪熱未盡值經來乘虛入於  
血室之間而潛藏之故令血結而寒熱有時如瘧狀也血室肝主之肝與膽為  
表裏膽因肝受邪而病寒熱故用小柴胡湯主之也加當歸生地丹皮者所以  
清血分之熱也

小柴胡湯

方見首卷柴胡四物湯註中

熱入血室經適來晝日明了夜譫妄無犯胃氣上二焦熱隨血去自無恙

註

金匱云婦人傷寒發熱經水適來晝日明了夜則譫語如見鬼狀此為熱入血  
室治之無犯胃氣及上二焦必自愈也此言熱雖入於血室然經行不斷則熱

衍...

卷四

編輯婦科心法要訣

六



承德醫藥大學圖書館藏

不留結勿謂謔妄遂以硝黃犯其胃氣刺傷榮血小柴和解犯上二焦但俟其  
熱隨血去病必自愈傷寒論曰血自下下者愈此之謂也

刺期門法 清熱行血湯

熱入血室成結胸下血謔語頭汗出二者皆當刺期門或取或泄隨其實清熱  
行血桃紅丹靈脂地草穿山亦註金匱云婦人中風發熱惡寒經水適來得  
七八日熱除脈遲身涼胸脇滿如結胸狀謔語者此為熱入血室也當刺期門  
隨其實而取之又云陽明病下血謔語者此為熱入血室但頭汗出當刺期門  
隨其實而泄之澱然汗出者愈此二條一言適來即斷血結在裏為實證一言  
陽明病亦有熱入血室但下血頭汗出為不同故為熱入血室亦由肝實故均  
謂當刺期門也不能刺者以清熱行血湯治之其方即桃仁紅花丹皮五靈脂  
生地甘草穿山甲赤芍也合四證觀之大抵有寒熱如瘧之證方可用小柴胡  
否則或不藥自愈或刺期門而清熱行血以隨其實而瀉之此仲景心法也不  
得概以小柴胡治之也

血分水分總括

經水先閉後病腫任衝寒濕血壅經先發水腫後經閉水溢皮膚泛濫行血分

難醫水易治二者詳參要辨明〔註〕婦人經水先閉後病腫者乃寒濕傷於衝任血壅經隧也名曰血分若先病腫而後經閉者乃土不制水水邪泛濫溢於皮膚也名曰水分血分難治水分易治二者須詳細辨之

血分證治

加味小調經散

血分血壅不能行四肢浮腫病非輕但使經通腫自散紅丹膝入小調經〔註〕

血分腫乃血壅不行流於四肢故令浮腫此不必治腫但調其經經通其腫自消宜小調經散加紅花丹皮牛膝治之

消宜小調經散加紅花丹皮牛膝治之

小調經散 方見三卷浮腫

水分證治

先腫後閉名水分停飲膀胱氣不行水消腫退經自至茯苓導水效通神〔註〕

水分腫乃水飲內停膀胱之氣化不行水溢皮膚故令浮腫經閉也此但宜治

水水消腫退其經自通用茯苓導水湯治之

茯苓導水湯 方見胎前門子腫條

夢與鬼交證治



加味歸脾湯

獨笑獨悲畏人見神虛夜夢鬼邪侵歸脾湯調辰砂珀定志清心魂魄寧註  
婦人七情內傷虧損心脾神無所護鬼邪干正魂魄不寧故夢鬼交獨笑獨悲  
如有對忤是其候也宜用歸脾湯調辰砂琥珀末服之則志定心清魂魄定而  
無邪夢矣

歸脾湯

方見首卷

梅核氣證治

半夏厚朴湯

婦人咽中如炙臠或如梅核結咽間半夏厚朴湯最效半朴蘇茯苓引煎註  
千金方云咽中帖帖如有炙肉吐之不出吞之不下即所謂咽中如有炙臠也  
俗名梅核氣蓋因內傷七情外傷寒冷所致宜用金匱半夏厚朴湯主之即半  
夏厚朴蘇茯苓生薑煎也

血風瘡證治

加味逍遙散

徧身瘡癩如丹毒瘡痛無時搔作瘡血風風濕兼血燥加味逍遙連地方愈後





白屑肌膚強血虛不潤養榮湯註婦人血風瘡證偏身起瘡癩如丹毒狀或  
癢或痛搔之則成瘡由風溼血燥所致宜用加味逍遙散加黃連生地如瘡結  
痂而愈復起白屑肌膚強硬者乃血少不潤也宜服益氣養榮湯

加味逍遙散

方見前  
陰痛條

益氣養榮湯

方見  
首卷

瘰癧證治

桂附地黄丸

憂思鬱怒肝脾損溼熱瘡生兩脇間外屬三陽為易治內屬三陰治每難初起  
紅腫敗毒散膿水淋漓補中煎晡熱陰虛宜六味食少畏寒桂附丸註婦人  
憂思鬱怒傷損肝脾或飲食不調損其胃氣則溼熱下注更被寒溼外邪所客  
則必兩脇生瘡外脇屬足三陽經尚屬易治若生於內脇屬足三陰經每多難  
愈初起紅腫宜人參敗毒散潰後膿水淋漓宜補中益氣湯若更晡熱是為陰虧  
宜兼服六味地黄丸若食少體倦畏寒則為真陽不足宜服桂附地黄丸即六  
味地黄丸加肉桂附子也

人參敗毒散

方見  
後痢條

補中益氣湯

方見  
首卷  
崩漏條

六味地黄丸

方見  
首卷

足跟痛證治



北京中醫藥大學圖書館藏



督脈發源腎經過三陰虛熱足跟疼六味地黄滋真水腫潰流膿用八珍註  
足跟乃督脈發源之地足少陰腎經從此所過若三陰虛熱則足跟疼痛宜用  
大劑六味地黄丸料煎服以峻補其真水若痛久不愈腫潰流膿者宜服八珍  
湯以補其氣血

雜證門彙方

半夏厚朴湯

半夏

厚朴

蘇葉

茯苓

錢各三

加生薑煎服

清熱行血湯

桃仁 一錢

紅花 一錢

丹皮

五靈脂

生地 錢各二

甘草 五分

穿山甲

赤芍 錢各

水煎服

八珍湯 方見首卷





南京中醫藥大學圖書館版權所有

御纂醫宗金鑑卷五十

編輯幼科雜病心法要訣

四診總括

兒科自古最為難毫釐之差千里愆氣血未充難據脈神識未發不知言惟憑面色識病因再向三關診熱寒聽聲審病兼切脈表裏虛實隨證參一道自古為難蓋以小兒形質柔脆易虛易實調治少乖則毫釐之失遂致千里之謬氣血未充者氣血尚未充盈也難據脈者脈無定準不可祇以脈為至也神識未發者茫然無知識也不知言者不能言其疾苦也診小兒之病惟憑察面部形色識其因何而生也三關者手虎口處風氣命三關也當視脈紋形色以診其屬熱屬寒也聽聲者聽其五聲所主之病也審病者審其安煩苦欲飲食二便也切脈者切脈之浮沉遲數滑澀大小有力無力也醫者誠能以四診參合表裏虛實寒熱之病則可保萬全也

察色

欲識小兒百病原先從面部色詳觀五部五色應五藏誠中形外理昭然額心頰腎鼻脾位右腮屬肺左屬肝青肝赤心黃脾色白為肺色黑腎顏青主驚風

赤火熱黃傷脾食白虛寒黑色主痛多惡候明顯濁晦輕重參部色相生為病  
順部色相尅病多難相生實者邪助病相尅虛者正難堪天庭青黯驚風至紅  
主內熱黑難痊太陽青驚入耳惡印堂青色驚瀉纏風氣青驚紫吐逆兩眉青  
吉紅熱煩鼻赤脾熱黑則死唇赤脾熱白脾寒左腮赤色肝經熱右腮發赤肺  
熱痰承漿青驚黃嘔吐黑主抽搐病纏綿此是察色之大要還將脈證一同參  
〔註〕小兒之病先從面部氣色觀之詳察五部之色則五藏之病自昭然可見  
矣五部者額屬心頰屬腎鼻屬脾左腮屬肝右腮屬肺也五色者青為肝色赤  
為心色黃為脾色白為肺色黑為腎色也如面青主是驚風之證面赤主火熱  
面黃主傷脾傷食面白主虛寒面黑主痛多是惡候總之五色明顯為新病其  
證輕濁晦為久病其證重部色相生為順者如脾病色黃此正色也若見紅色乃  
火能生土故為順也若見青色乃木來尅土故為逆也餘病倣此若氣血充實  
又遇部色相生縱有外邪助病亦易為治療若久病氣血虛弱又遇部色相尅  
則正氣不支每難治療如天庭青暗主驚風紅主內熱黑則不治太陽青主驚  
風青色入耳者死印堂青主驚瀉風池在眉下氣池在眼下二處青主驚風紫  
多吐逆兩眉青主吉紅色主多煩熱鼻赤主脾熱鼻黑則死唇赤主脾熱白主脾

面部五臟部位圖

面部部圖





寒左腮發赤主肝經有熱右腮發赤主肺熱痰盛承漿青主驚黃主吐黑主抽搦此皆察色之大要再以脈證參之庶治得其要矣

### 聽聲

診兒之法聽五聲聆音察理始能明五聲相應五藏病五聲不和五藏情心病聲急多言笑肺病聲悲音不清肝病聲呼多狂叫脾病聲歌音顫輕腎病聲呻長且細五音昭著證分明啼而不哭知腹痛哭而不啼將作驚噬煎不安心煩熱嘔聲聲重感寒風有餘聲雄多壯屬不足聲短怯而輕多言體熱陽府證懶語身冷陰藏形狂言焦躁邪熱盛詬語神昏病熱凶鳴聲在喉音不出直聲無淚命將傾虛實寒熱從聲別聞而知之無遁情〔註〕小兒之病既觀其色又當細聽其聲蓋笑呼歌悲呻五聲內應心肝脾肺腎五藏也五聲不和則知五藏有病之情矣如心屬火病則聲急喜笑肺屬金病則聲悲音濁肝屬木病則聲狂叫多呼脾屬土病則聲顫輕如歌腎屬水病則聲長細如呻吟有聲有淚聲長曰哭有聲無淚聲短曰啼如啼而不哭則氣不伸暢主腹痛哭而不啼則氣急心煩將成驚也噬煎不安者乃心經內熱故煩躁不寧也嘔聲音啞也聲重聲濁也此為外感風寒也有餘之證其氣實故聲雄大而壯屬不足之證其氣



虛故聲怯弱而輕短多言與身熱皆陽也陽主府故曰陽府證也懶語與身涼皆陰也陰主臧故曰陰臧證也狂言焦躁者邪熱盛也神昏譫語者熱乘於心故曰病熱凶也鴨聲聲在喉中而啞氣將絕也直聲聲無回轉而急氣將散也二者俱為不治之證醫者果能以此察之則知表裏臧府寒熱虛實諸病之情態無所遁矣

### 審病

審兒之病貴詳參要在安煩苦欲間能食不食渴不渴二便調和通秘勘發熱無汗為表病內熱便鞭作裏看安煩晝夜陰陽證苦欲冷暖定熱寒能食不食胃壯弱渴與不渴胃溼乾便稠黏穢為滯熱尿清不赤乃寒占耳尻肢涼知痘疹指梢發冷主驚癇肚腹熱悶乃內熱四肢厥冷是中寒眉皺曲啼腹作痛風熱來臨耳熱纏腹痛須按軟與鞭喜按不喜虛實參欲保赤子誠心辨對證施方治不難

**註**小兒有病貴乎詳審先問起居安煩苦欲何如次問飲食能食不食渴與不渴又次問二便或通或秘而後病源可識矣如發熱無汗此邪在表也內熱便鞭此邪在裏也安煩者謂晝若煩熱而夜安靜是陽旺於陽分其病在陽若夜煩熱而晝安靜是陷於陰分其病在陰苦欲者喜冷惡熱皆屬陽病



故為熱也喜熱惡冷皆屬陰病故為寒也胃壯者能食胃弱者不能食胃乾燥者口渴胃溼盛者口不渴至於大便稠黏穢氣難聞者是內有滯熱從熱化也小便清白不赤為虛寒從寒化也若耳梢冷尻骨冷四肢發冷者此痘疹欲發之候如單指梢發冷者此驚癇將作之徵肚腹熱悶主內熱手足厥冷主中寒小兒無故皺眉曲腰啼叫者主內因腹痛兩耳常常發熱者主外因風熱也然腹痛又當按其或軟與鞭若喜按者為虛不喜按者為實保赤者須誠心勘問對證施治庶隨手奏效矣

### 切脈

小兒週歲當切脈位小一指定三關浮脈輕取皮膚得沉脈重取筋骨間一息六至平和脈過則為數減遲傳滑脈如珠多流利瀉脈滯澇往來艱三部無力為虛脈三部有力作實言中取無力為扎脈微脈微細有無間洪脈來盛去無力數緩時止促結占緊脈左右如轉索弦則端直張弓弦浮為在表外感病沉為在裏內傷端數為在府屬陽熱遲為在藏乃陰寒滑痰洪火微怯弱弦飲結聚促驚癇扎主失血瀉血少沉緊腹痛浮感寒虛主諸虛不足病實主諸實有餘看痘疹欲發脈洪緊大小不勻中惡勘一息三至虛寒極九至十至熱極炎一

二十一十二死浮散無根沉伏難表裏陰陽虛實診惟在兒科隨證參註

週歲者一歲也有疾則當切脈但部位甚小不能以三指診之須用一指以定三關三關者寸關尺也浮脈者輕取皮膚之上即得故曰浮也沉脈者重按筋骨之間則見故曰沉也一息者人之一呼一吸也至者脈之至數也一息六至為和平之脈則曰無疾至數若過者七至八至也謂之數脈至數若減者四至五至也謂之遲脈滑脈如珠往來流利濇脈滯澀往來艱難三部者脈之浮中沉也浮中沉三部無力為虛浮中沉三部有力為實乳脈者中取無力微脈者按之微細若有若無洪脈者來時雖盛去時無力促脈者數而時止結脈者緩而時止緊脈者左右如轉索之象弦脈者端直如張弓弦此皆言脈之形象至數也浮脈病在表外感風寒也沉脈病在裏內傷飲食也數脈病在六府屬陽也遲脈病在五藏屬陰也滑主痰盛洪主火熱微主怯弱之證弦主停飲結主積聚促主驚癇乳主失血濇主血少沉緊主腹痛浮緊主感寒虛為不足主諸虛實為有餘主諸實洪緊者痘疹欲發也大小不勻者中惡之證也一息三至是虛寒之極九至十至乃火熱太甚此諸脈所主之病也若一息只一至二至或十一十二至者皆死脈也浮散無根又沉浮取之不應指者皆難治之脈也凡



病之陰陽表裏虛實雖可以診脈而得惟臨證時合望聞問三者細為參攷焉  
虎口三關部位脈紋形色

初生小兒診虎口男從左手女右看次指三節風氣命脈紋形色隱隱安形見  
色變知有病紫屬內熱紅傷寒黃主脾病黑中惡青主驚風白是疳風關病輕  
氣關重命關若見病多難大小曲紫傷滯熱曲青人驚走獸占赤色水火飛禽  
撲黃色雷驚黑陰癇長珠傷食流珠熱去蛇吐瀉來蛇疳弓裏感冒外痰熱左  
斜傷風右斜寒鍼形鎗形生痰熱射指射甲命難痊紋見乙字為抽搐二曲如  
鈎傷冷傳三曲如蟲傷硬物水紋欬嗽吐瀉環積滯曲蟲驚魚骨形似亂蟲有  
蛔纏脈紋形色相參合醫者留神仔細觀〔註〕凡初生小兒有疾病者須視虎  
口叉手處脈紋之形色以決病之死生輕重男先看左手次指內側女先看右  
手次指內側指之三節初節曰風關次節曰氣關三節曰命關其紋色紅黃相  
兼隱隱不見則為平安無病若紋色紫屬熱紅屬傷寒黃為傷脾黑屬中惡青  
主驚風白主疳證紋在風關主病輕氣關主病重若過命關主病危難治又當  
視其紋形大小曲灣色紫者主傷食內熱色青者主人驚及走獸驚色赤者主  
水火飛禽所驚黃主雷驚黑主陰癇如指上紋形一點紅色名曰流珠紋主內

熟圓長者名曰長珠形主飲食傷上尖長下微大者名曰去蛇形主傷食吐瀉  
 上大下尖長者名曰來蛇形主溼熱成疔弓反裏者形彎向中指主感冒寒邪  
 弓反外者形彎向大指主內熱痰盛紋斜向左者其紋斜向中指主傷風紋形  
 虎口三關部位脈紋圖

圖手右




圖手左




風關次指第一節  
 氣關次指第二節  
 命關次指第三節  
 虎口叉手處也男  
 先看左手次指內  
 側女先看右手次  
 指內側



去蛇形



長珠形



來蛇形




流珠形




行集醫宗金鑑  
卷五  
編輯幼科雜病心法要訣

南京中醫藥大學圖書館藏

形左向斜紋



形裏反弓



形右向斜紋



形外反弓



編輯幼科雜病心法要訣  
上海致新書局發行






透關射指形



針形



透關射甲形



鎗形



形蟲如曲三



形字乙



形字水



形鈎如曲二



魚骨形




環形



亂蟲形



曲蟲形



斜向右者其紋斜向大指主感寒鍼形者直若懸鍼微短槍形者直射如槍微長皆主痰熱透關射指射甲者其紋直射指甲指端主脾氣大敗病危不起二者俱屬不治乙字紋似乙字主驚風抽搐二曲如鈎主傷生冷三曲如蟲主傷硬物水紋形似水字主咳嗽環形聯絡如環主疔病曲蟲紋如彎蟲主積滯魚骨紋如魚刺主驚熱紋形如亂蟲者主蛔蟲纏擾習幼科者必以此形色合參留神診察始不誤矣

初生門 上

拭口 附下胎毒法

拭口須用燕脂法穢淨方無口病生古云未啼先取穢只緣未察此中情 註  
嬰兒初生須用軟棉裹指拭淨口中不潔繼以燕脂蘸茶清擦口舌齒頰之間則不使一切口病生矣古云子未啼時先取穢血此古人不詳體察蓋兒在胞衣之中以臍蒂資生胞中皆是氤氳精氣生長蒸化並無血脈兒口之血從何而來此說不經不可為訓也

甘草法

甘草之法自古稱能解諸毒性味平濃煎頻令兒吮服免使胎毒蘊腹中 註

編輯幼科雜病心法要訣

上海故新書局發行

上海中医药大学图书馆藏



甘草味甘平和五藏解百毒之藥也四時皆可用虛實皆可服取中指一節用水煎濃以棉纏指蘸水令兒吮之其毒自解

黃連法

素禀胎熱蘊於中惟有黃連法最靈水浸濃汁滴口內臍糞胎毒自此清註黃連清熱解毒之要藥也凡夏月及四時看兒有胎熱者恐熱蘊於中致生他病故宜用之須取黃連數塊搥碎用湯浸出汁時時滴兒口中以臍糞下為度其毒自解矣

硃蜜法

硃蜜鎮神利腸胃清熱防驚大有功胎熱便秘皆堪用禀賦怯弱慎而行註硃砂鎮心定驚兼能除邪蜂蜜解毒潤腸更能清熱一鎮一潤功效殊常胎熱便閉者四時皆可用之取一大豆許研細水飛過煉蜜調勻乳汁化服最佳惟胎禀太弱者不宜用也

豆豉法

怯弱之兒豆豉法宣發胎毒功最良兒生冬月亦宜此煎取濃汁當乳嘗註淡豆豉輕腐宣發之藥也凡怯弱之兒或值冬月欲解胎毒者只將此藥煎為



濃汁與兒三五口其毒自開矣

### 斷臍

臍帶剪下即用烙男女六寸始合宜烙臍灸法防風襲胡粉封臍為避溼註  
嬰兒初生先用剪刀向火烘熱剪斷臍帶次用火器繞臍帶烙之當以六寸為度  
不可過為短長短則傷藏長則損肌斷訖又用烙臍餅子安灸臍上以防風邪  
外入隨用胡粉散敷臍帶間用軟絹新棉封裹之以避尿溼風邪如藥不備即  
以細熟艾一塊照依前法封裹

胡粉散

胡粉

甌帶灰

乾薑

白石脂

棉灰

各等

麝香

少許

以上共為細末每用一錢敷臍上封之

烙臍餅子

豆豉

黃蠟

等分

麝香

少許

以上以豆豉

麝香研勻鎔蠟量臍大小捻為餅灸用

### 浴兒

浴兒之法五枝湯冬夏寒溫適可當加猪膽汁去污穢且滋肌膚免生瘡註  
斷臍後三日浴兒此法其來舊矣為其革污穢也臨浴時須擇無風密處適可  
而止不可久在水中冬月恐其受寒夏日恐其傷熱其為湯之法須用桃槐桑



梅柳枝熬成再加豬膽汁以去其污穢且能滋潤肌膚令兒胎瘡不生

### 藏胎衣法

藏衣新瓶用帛纏埋築天德月空邊向陽高燥宜嚴密令兒無疾壽綿縮  
凡藏胎衣盛在新瓶內以青帛裹瓶口擇向陽高燥之地天德月空處掘地三  
尺埋之兒自長壽無疾若藏衣不謹於兒不利

### 天德月空


正月在丁二月在坤三月居壬四月辛五乾六甲七月癸八艮九丙十乙宮十一  
巽兮庚十二此是天德牢記心月空單月壬共丙雙月俱在甲與庚註天德  
如正月在丁二月在坤三月在壬四月在辛五月在乾六月在甲七月在癸八  
月在艮九月在丙十月在乙十一月在巽十二月在庚是也月空如正月在丙  
壬二月在甲庚三月在丙壬四月在甲庚五月在丙壬六月在甲庚七月在丙  
壬八月在甲庚九月在丙壬十月在甲庚十一月在丙壬十二月在甲庚是也  
天德方向俱依此圖為準其月空方向單月在丙壬方雙月在甲庚方四處  
如值天德方向不便即按圖尋丙壬甲庚所在用之如值月空方向不便亦  
按圖尋天德用之

編輯幼科雜病心法要訣



南京中醫藥大學圖書館藏

# 天德圖



此天德圖  
 內如單月  
 逢丙壬雙  
 月逢甲庚  
 又為月空  
 之方位也





剃頭

小兒彌月剃胎頭密室溫和適可求杏麻薄膩揉頭上胎毒瘡癩一切休註  
兒滿月剃頭須向密室溫暖處剃之為其氣血未盈寒風易入剃後須用杏仁  
三枚研細入薄荷三葉再同研將麻油滴三四點合膩粉拌勻擦頭上能避風  
邪免生瘡癩熱毒等證

不啼

小兒生下不能啼俗語名之為草迷多因臨產難生育或值嚴寒氣所逼氣閉  
不通聲不出奄奄呼吸命須臾氣閉不通葱鞭背寒逼急用火薰臍註 兒生  
落地啼聲即發形生命立矣有不啼者俗云草迷多因臨產時生育艱難以致  
兒生氣閉不通所以不啼也急以葱鞭其背使氣通則啼又有時值天寒之際  
兒氣為寒所逼亦不能啼宜用薰臍帶法急為挽回庶氣通而啼聲出也若氣  
絕無聲面青甲黑是形雖存而命已不立安望其生哉

鞭背法

小兒初生氣不通奄奄呼吸少啼聲用葱鞭背輕輕擊須臾聲發可回生註  
葱辛通氣擊動醒神用葱鞭背者取開通擊醒之義也如無葱以手輕輕擊之亦



可

### 熏臍帶法

小兒生下或冒寒氣閉無聲啼則難油擦熏臍休剪帶煖氣入腹自通安註  
 兒初生方離母腹若值天寒氣為寒閉使兒聲不出須急用棉絮包裹抱於懷  
 中且勿斷臍用紙撚蘸油點火於臍帶下往來熏之令火氣由臍入腹裏得溫  
 散氣得煖通啼聲自出矣

### 不乳

兒生能乳本天然若不吮兮必有緣腹中穢惡未下淨或在胎中素稟寒穢惡  
 不淨一捻效胎寒不乳勻氣先若更面青肢冷厥此是寒虛理中煎註不乳  
 謂初出胞胎不吮乳也其故有二不可不辨兒生腹中臍糞未下能令小兒腹  
 滿氣短嘔吐不乳當用一捻金治之若兒母過食寒涼胎受其氣兒必腹痛多  
 啼面色青白宜勻氣散主之若四肢厥逆者理中湯主之

### 一捻金

大黃生

黑丑

白丑

人參

### 檳榔

各等分

以上為細末每少許蜜水調服

### 勻氣散

陳皮

桔梗各一錢

炮薑

砂仁



炙甘草 各五分

木香 三分

以上共為細末每服五分紅棗煎湯調服

理中湯

人參

白朮 土炒

乾薑

甘草 炙

引用紅棗肉水煎服

方歌 理中人參並乾薑白朮甘草共為湯胎寒諸疾皆當服不乳肢冷更堪

嘗

眼不開

兒生眼閉不能開皆因脾熱受於胎內用地黃湯最妙熊膽洗目效靈哉

小兒初生眼不開者因孕婦飲食不節恣情厚味熱毒熏蒸以致熱蘊兒脾眼

胞屬脾其脈絡緊束故不能開也內服生地黄湯外用熊膽湯洗之自愈

生地黄湯

生地黄

赤芍藥

當歸

川芎

甘草 生

天花粉

水煎服

方歌 目閉不開胎熱成生地黄湯赤芍芎當歸花粉生地草水煎速服莫消

停

熊膽洗法

熊膽

黃連 各少許

用滾湯淬洗其目 開

吐不止



兒吐不止何因生穢惡停留胃內成或緣稟賦胎寒熱或因生時感寒風穢惡一捻金散下外感香蘇溫散能熱涎酸黏連陳治寒吐清沫用理中註兒自胞胎既脫以後有因便秘腹中穢惡不淨令兒腹滿其吐不止者一捻金主之若生育時觸冒寒邪入裏犯胃則曲腰而啼吐沫不止者香蘇飲溫散之又有胎前受熱面黃赤手足溫口吐黃涎酸黏者二陳湯加黃連主之若胎前受寒面青白四肢冷口吐清稀白沫者理中湯主之

一捻金

方見不乳

香蘇飲

藿香

蘇葉

厚朴

薑炒

陳皮

枳殼

麸炒

茯苓

木香

煨

炙甘草

引用生薑水

煎服

方歌

香蘇飲用藿香蘇厚朴陳皮枳殼茯苓甘草木香一併入生薑為引吐能

除

黃連二陳湯

半夏

薑製

陳皮

茯苓

生甘草

黃連

薑炒

引用生薑水煎服

方歌

兒生胎熱吐頻頻醫治須當用二陳半夏陳皮茯苓草薑連加入效如





神

理中湯 方見不乳

不小便

小便不通胎熱壅導赤八正二方從外用豆豉貼臍法須臾小便自能通  
註  
小兒初生不小便者乃胎熱流於下也宜導赤散熱盛者八正散主之外用豆豉膏貼臍上則小便自通矣

導赤散

生地黃

木通

甘草 生

引用燈心針

葉水煎服

加黃連滑石赤苓更妙

方歌

方名導赤妙難言生地木通甘草煎引用燈心共竹葉清熱利水便如

泉

八正散

扁蓄

瞿麥

滑石 飛

木通

赤苓

車前子

生大黃

梔子 生

引用燈心水

煎服

方歌

八正散治小便秘扁蓄瞿麥車前利木通滑石赤茯苓大黃梔子合成

劑

編輯幼科雜病心法要訣



豆豉膏

淡豆豉 一斗

田螺 箇十九

葱 一大束

以上搗爛用

芭蕉汁調貼臍上

不大便

大便不通名鎖肚皆緣熱毒受胎中硃蜜捻金俱可用急嘔五心臍下通註

小兒初生之日或次日即大便者俗云下臍屎此腸胃通和幽門潤澤也若至

二三日不大便者名曰鎖肚乃胎中受辛熱之毒氣滯不通也其兒必面赤腹

脹不乳多啼宜先用硃蜜法治之設若不應用一捻金量兒與之繼令婦人以

溫水漱口嘔兒前後心手足心並臍下共七處以皮見紅赤色為度須臾大便

自通矣

硃蜜法

方見拭口

一捻金

方見不乳

大小便不通

二便俱秘胎熱極木通散與紫霜丸行熱開結真神妙口撮之法悉如前註

小兒初生大小便不通者最為急候乃胎中熱毒太甚而成也急用前口嘔五

心臍下法再以木通散行其熱紫霜丸開其結庶可望生若延至七日謂之一

臘肚腹硬脹常作呻吟則難治矣

編輯幼科雜病心法要訣

十三

上海啟新書局發行



木通散

車前子

扁蓄

瞿麥

木通

赤苓

山梔

滑石飛

黃苓

生甘草

大黃

引用燈心水煎服或入薄荷同煎

方歌

二便閉兮如何醫木通散用甚為奇車蓄瞿通苓梔子滑苓甘草大黃

宜

紫霜丸

代赭石

浸一兩火煨醋  
浸三五次研

赤石脂一兩

杏仁

去皮尖

巴豆

三十粒  
去油膜

以上為末飯糊如麻子大日服三九白水下

肛門內合

有因熱毒肛門結或是內合無隙通清毒宜服黑白散脂瞞簪通導法精註  
小兒初生肛門內合有二一者熱毒太甚壅結肛門一者脂膜遮瞞無隙可通  
如肛門壅結者急服黑白散外用蘇合香丸作棗核狀納入孔中取其香能開  
竅又能潤澤大便一下庶可望生如脂膜遮瞞無隙可通者先以金玉簪透之  
刺破脂膜再以蘇合香丸照前法導之庶可挽回於萬一耳

黑白散

黑牽牛

半生

白牽牛

半生

大黃

生

檳榔

陳皮

錢各五

生甘草

三錢

元明粉

一兩

以上除檳榔不過火餘五味



或曬或焙仍合檳榔為末同元明粉入乳鉢內研細每服五分至六七分鹽蜜湯調化

蘇合香丸

蘇合香油

五錢入安息香內

安息香

一兩另為末用無灰酒半勗熬膏

丁香

青木香

白檀香

沉香

華荻

香附子

訶子

煨取肉

烏犀

鎊

硃砂

各一兩水飛

薰陸香

片腦

各五錢研

麝香

七錢半

共為細末入安息香膏煉蜜和劑圓如芡實大空心用沸湯化下酒下亦可

噤口

噤口舌上如黍米吮乳不得啼漸難清肝龍膽湯極妙腹硬便秘紫霜丸吐涎牙緊擦牙效次用辰砂全蠟煎病勢稍安勿過劇調和脾胃勻氣先註小兒噤口之證失治多至不救其候舌上生瘡如黍米狀吮乳不得啼聲漸小因胎熱所致也法當清熱疎利以龍膽湯主之若肚腹脹硬二便不通者紫霜丸主之又有一種口吐白沫牙關緊急者此胎熱內結復為風邪外襲當以秘方擦牙散先擦其牙關次服辰砂全蠟散中病即止不可過服證退當調和脾胃以勻氣散主之

龍膽湯

柴胡

黃芩

生甘草

鈎藤鈎

印...

...

編輯幼科雜病心法要訣

上海啟新書局發行





赤芍

大黃紙裹

龍膽草

蜈蚣去翅

桔梗

赤茯苓

引用棗肉水煎服

方歌

噤口龍膽湯極靈柴胡黃芩草鈎藤赤芍大黃龍膽草蜈蚣桔梗赤茯苓

苓

紫霜丸

方見二便不通

秘方擦牙散

生南星

二錢去麟皮

龍腦

少許

共研為極細末用指蘸合生

薑汁放大牙根擦之立效如不開者將應用之藥調和稀糊含在不病人口內以筆管插入病人之鼻孔用氣將藥極力吹入其關立時即開此法有通仙之妙不可不知

辰砂全蠍散

辰砂

五分水飛

全蠍

三枚去毒

礪砂

龍腦

麝香

各一分

以上為極細末用乳母唾調抹口唇裏及齒上

勻氣散

方見不乳

撮口

撮如囊口吮乳難舌強唇青吐沫痰面色赤黃胎熱極四肢厥冷命難全痰盛宜用殭蠶散便秘須進紫霜丸驚熱龍膽湯極妙抽搐撮風散自安

〔註〕撮口



者撮口如囊口也吮乳不得舌強唇青面色黃赤乃心脾之熱受自胎中而然也其證為危候急當隨證治之如氣高痰盛者辰砂殭蠶散主之二便秘結者紫霜丸主之身熱多驚者龍膽湯主之手足抽搦者撮風散主之若更口吐白沫四肢厥冷雖有神丹終屬無濟

辰砂殭蠶散

辰砂

五分水飛

殭蠶

一錢直的去絲嘴炒

蛇蛻皮

炒一錢

麝香

五分

以上為末用蜜調敷唇口

紫霜丸

方見二便不通

龍膽湯

方見口

撮風散

赤脚蜈蚣

半條

鈎藤鈎

五分

硃砂

水飛

直殭蠶

焙

全蠍尾

各一錢

麝香

一字

共為末每服一字竹瀝調下

臍濕臍瘡

浴兒不慎水浸臍或因綳袍溼漬之臍間淋漓多痛瘡甚則焮腫作瘡痍臍溼必用滲臍散瘡腫金黃散最宜治療之法須如此臨證施之不可疑一註兒生洗浴不可久在水中任意洗濯既包裹畢宜時常留意勿令尿溼浸臍如不知慎遂致肚臍浸漬不乾名曰臍溼須以滲臍散敷之甚則焮赤成瘡名曰臍瘡須以金黃散敷之庶不致寒溼之氣內攻也

編解幼科雜病心法要訣 上海致新書局發行



滲臍散

枯礬

龍骨 各二錢 煨

麝香 少許

共研細末乾

撒臍中

金黃散

川黃連 二錢 半

胡粉

龍骨 各一錢 煨

共研末敷患

處

臍突

嬰兒蘊熱在腹中呻引頻頻卧不寧努脹其氣沖臍本虛大光浮臍突成速服  
犀角消毒飲二豆能消腫赤攻最忌寒涼敷臍上冰凝毒熱反成凶註嬰  
熱在腹中無所發瀉故頻頻呻引睡卧不寧努脹其氣衝入臍間所以臍忽腫  
赤虛大光浮名曰臍突此乃胎熱所致非斷臍不利之過也內服犀角消毒飲  
外敷二豆散其腫自消最忌寒涼之藥敷於臍上恐寒凝毒熱反為害也

犀角消毒飲

牛蒡子 炒研

生甘草

荊芥

防風

金銀花

水煎熟臨服入犀角細末調勻服

方歌

犀角消毒牛蒡加甘草荊防金銀花細研犀角調勻服臍突能消功最

佳

二豆散

赤小豆 不去皮

豆豉

天南星 去皮

白斂 各一錢



中藥大學圖書館藏

以上為細末用五分芭蕉汁調敷臍四旁日二次

### 臍風

斷臍不慎起臍風感受風寒溼水成將作驅風散最效已成兼證要分明腹脹便秘黑白散面白肢寒用理中痰涎壅盛殭蠶散壯熱面赤龍膽清嘔吐多啼益脾治唇青撮口撮風平臍青口噤為不治一臘逢之命必傾註臍者小兒之根蒂也名曰神闕穴近三陰喜溫惡涼喜乾惡溼如斷臍悉遵前法臍風何自而起惟不知慎重以致水溼風冷之氣入於臍中兒必腹脹臍腫日夜啼哭此臍風之將作也須急用驅風散治之若寒邪深入已成臍風者又當視其所兼之形證治之如肚腹脹硬大便不通者風兼實也黑白散主之面青肢冷二便不實者風兼虛也理中湯主之痰涎壅盛氣高喘急者風兼痰也辰砂殭蠶散主之身體壯熱面赤口乾者風兼熱也龍膽湯主之面青嘔吐曲腰多啼者風兼寒也益脾散主之撮口唇青抽搐不止者風兼驚也撮風散主之若臍邊青黑口噤不開者是為內抽不治臍風見於一臘者亦不治一臘者七日也兒生七日血脈未凝病已中藏醫之無益

### 驅風散

蘇葉

### 防風

陳皮

厚朴

薑炒



枳殼 麩炒

木香 煨

殭蠶 炒

鈎藤鈎

引用生薑水

煎服

方歌

臍風將作用驅風蘇防陳朴枳香從殭蠶鈎藤與甘草生薑加入更靈

通

黑白散

方見臍門內合

理中湯

方見不乳

辰砂殭蠶散

方見搗口

龍膽湯

方見搗口

益脾散

白茯苓

人參

草果 煨

木香 煨

炙甘草

陳皮

厚朴 薑炒

紫蘇子 各等分炒

共為末每服

一錢薑棗湯調服

撮風散

方見撮口

天鈞

天鈞邪熱積心胸痰涎壅盛氣不通瘕瘕壯熱同驚證頭目仰視若鈞形九龍控涎醫搗掣牛黃散用善驅風瘕瘕減參鈞藤飲爪甲青色蘇合精一註小兒天鈞證由邪熱痰涎壅塞胸間不得宣通而成發時驚悸壯熱眼目上翻手足瘕瘕爪甲青色證似驚風但目多仰視較驚風稍異痰盛兼搗者九龍控涎散主之驚盛兼風者牛黃散主之搗盛多熱者鈞藤飲主之爪甲皆青者蘇合香





丸主之

九龍控涎散

赤脚蜈蚣塗一條炙乾

滴乳香

天竺黃錢各二

味研

臘茶

雄黃

炙甘草錢各二

荊芥穗炒

白礬錢各一枯

萊豆生一百粒半

共為末每服五分人參薄荷

湯調下

牛黃散

牛黃細研錢

硃砂飛細研水

麝香五分

天竺黃錢

蠟稍一錢

鈎藤鈎二錢

共研勻每服一字新汲水調下

鈎藤飲

人參

全蠍去毒

羚羊角

天麻

甘草炙

鈎藤鈎

水煎服按天鈎乃內熱痰盛應減人參

方歌

天鈎須用鈎藤飲瘕瘕連連無止歇人參羚羊與鈎藤炙草天麻共全

蠟

蘇合香丸

方見肚門內合

內鈎

內鈎肝藏病受寒糞青潮搐似驚癇偃偻腹痛吐涎沫紅絲血點目中纏癩癩甚者鈎藤飲急啼腹痛木香丸肢冷甲青唇口黑養藏温中或保全註內鈎

編輯幼科雜病心法要訣 二 上海改新書局發行

上海中醫藥大學圖書館藏

者多因肝藏素病外受寒冷其候冀青潮搖者作止有時也偃僂腹痛者曲腰而痛也口吐涎沫證雖與驚癇相類但目有紅絲血點癰癢甚者鈎藤飲主之急啼腹痛者木香丸主之若肢冷甲青唇口黑者養藏散主之然內鈎至此乃中寒陰盛不治之證用此救治庶或保全

鈎藤飲 方見天鈎

木香丸

沒藥

木香 煨

茴香 炒

鈎藤鈎

全蠍

乳香 分等

先將乳香沒藥研勻後入諸藥末和畢取大

蒜少許研細和丸如桐子大曬乾每次二九鈎藤湯下

養藏散

當歸

沉香

木香 煨

肉桂

川芎 各半兩

丁香 二錢

共為末每服一錢淡薑湯調服

盤腸氣痛

盤腸寒搏腸中痛曲腰不乳感雙眉定痛温中豆蔻散熨臍外治法堪垂

凡盤腸氣痛皆由寒邪所搏肝腎居下故痛則曲腰宜白豆蔻散主之外用熨

臍法其效甚速

白豆蔻散

白豆蔻

砂仁

青皮 醋炒

陳皮



炙甘草

香附米製

蓬莪朮 各等分

共為末每服一錢紫蘇煎

湯調下

熨臍法

淡豆豉

生薑 各二錢切碎

蔥白 五莖

食鹽 兩

同炒熱置臍上熨之



南京中医药大学图书馆藏

卷之三十一

編輯幼科雜症心法要訣



北京中医药大学图书馆版印所

御纂醫宗金鑑卷五十一

編輯幼科雜病心法要訣

初生門 下

目爛

兒生兩目痛難睜胞邊赤爛胎熱攻內用地黃湯清熱外點真金目即明  
目爛者胞邊赤爛痛癢難睜因胎中蘊熱生後毒熱上攻於目故有是證內服  
地黃湯以清熱外用真金散以點目其證自愈

生地黃湯 方見目不開

真金散

黃連 生

黃蘗 生

當歸

赤芍藥 各一錢

杏仁 五分炒去皮尖

以上剉散乳汁浸一宿曬乾為極細末用生地黃汁調一字

頻頻點眼即愈

懸癰

脰上腫起號懸癰皆因胎毒熱上衝法當刺破鹽湯拭如聖一字摻之靈 註

凡喉裏上脰腫起如蘆籜盛水狀者名曰懸癰蘆籜者蘆筍也此胎毒上攻須以  
綿纏長鍼留鋒刺之瀉去青黃赤汁未消者來日再刺刺後以鹽湯拭口用如





聖散或一字散摻之

如聖散

鉛霜 一錢

真牛黃 一錢

太陰元精石

硃砂

各二錢五分

龍腦

五分

以上為極細末每用一字摻患處

一字散

硃砂

水飛

硼砂

各五分

龍腦

朴硝

各一分

以上為極細末用蜜調少許鵝翎蘸搽口內

重齶

重齶胎熱胃中蓄牙根腫脹痛難禁刺破一字散敷上繼進清胃效如神

註

重齶者因小兒在胎有熱蓄於胃中故牙根腫如水泡名曰重齶治法用鍼刺

破以鹽湯拭淨外敷一字散內服清胃散其腫自消

一字散

方見懸壺

清胃散

生地

丹皮

黃連

當歸

升麻

石膏

煨

引用燈心水煎服

心

方歌 清胃散治胃熱熏生地黃連當歸身丹皮升麻石膏煨臨煎須要入燈

鵝口



鵝口白屑滿舌口心脾蘊熱本胎原清熱瀉脾搽保命少遲糜爛治難痊一註  
鵝口者白屑生滿口舌如鵝之口也由在胎中受母飲食熱毒之氣蘊於心脾  
二經故生後遂發於口舌之間治法以清熱瀉脾散主之外用髮蘸井水拭口  
搽以保命散日敷二三次白退自安倘治之稍遲必口舌糜爛吮乳不得則難  
痊矣

清熱瀉脾散

山梔炒

石膏煨

黃連薑炒

生地

黃芩

赤苓

引用燈心水煎服

安方歌清熱瀉脾治鵝口石膏生地赤苓煎芩連梔子合成劑加入燈心病即

保命散

白礬燒灰

硃砂各二錢五分飛

馬牙硝五錢

以上研末以

白鵝糞水攪取汁塗舌與口角上

吐舌

吐長收緩名吐舌皆是心經有熱成面紅煩渴溺瀉赤瀉心導赤服即寧註

吐舌者伸長而收緩也因心經有熱所致故面紅煩躁口渴尿赤宜瀉心導赤  
湯主之



瀉心導赤湯

木通

生地

黃連

甘草生

引用燈心水煎服

方歌 瀉心導赤湯最良心熱吐舌即堪嘗木通生地黃連草燈心加入服自強

弄舌

弄舌時時口內搖心脾發熱口唇焦煩熱舌乾大便穢瀉黃導赤並能療

兒熱口中搖動者因心脾有熱以致唇焦舌乾煩熱便穢先用瀉黃散次用瀉

心導赤湯

瀉黃散

藿香葉

山梔子炒

石膏煨

防風

甘草生

引用燈心水煎服

方歌 弄舌瀉黃散最神藿香葉配山梔仁甘草防風石膏煨臨時煎服入燈

心

瀉心導赤湯

吐方見舌

重舌

舌下腫突似舌形心脾積熱上攻衝內服宜以清熱飲外敷涼心功最靈

註



重舌者因舌下近舌根處其腫形似舌故名重舌此心脾之熱宜服清熱飲外吹涼心散

清熱飲

黃連生

生地

木通

甘草生

連翹

去心

蓮子

引用淡竹葉水煎時時灌入口中

方歌

清熱飲內用黃連生地蓮子木通甘連翹更加淡竹葉一同煎服自然安

安

涼心散

青黛

硼砂

黃蘗

黃連

人乳拌晒

人中白

各二錢殿過

風化硝一錢

冰片二分

以上為極細末吹之甚效

木舌

木舌心脾積熱成腫脹木硬證多凶外用川硝敷舌上內服瀉心導赤靈註木舌一證皆因心脾積熱而成蓋脾之脈絡在舌下又舌為心苗遇火上衝令兒舌腫滿木硬不能轉動故名木舌外用川硝散敷舌上內服瀉心導赤湯若不急治必致難救

川硝散

朴硝五分

真紫雪二分

鹽一分

以上為細末

以竹瀝調敷舌上

編輯幼科雜病心法要訣

上海啟新書局發行





瀉心導赤散方見古

嘔乳

嘔乳之候非一端傷乳停痰胃熱寒熱宜和中清熱飲寒用温中止吐煎傷乳平胃散最妙停痰二陳湯可痊若是滿而自溢者常須節乳自能安註小兒嘔乳證非一端有宿乳停痰胃寒胃熱之分不可一例而治如面色多赤二便微秘手足指熱此為熱嘔也宜和中清熱飲主之面色青白糞青多沫手足指冷此因寒而嘔也宜温中止吐湯主之口熱唇乾夜卧不寧手足心熱此為傷乳而嘔也宜平胃散主之胸膈膨滿嘔吐痰涎此因停痰而嘔也宜枳桔二陳湯主之若喫乳過多滿而自溢者不須服藥惟節乳則嘔自止矣

和中清熱飲

黃連薑炒

半夏薑製

陳皮

茯苓

藿香

砂仁

引用薑水煎服

方歌 和中清熱飲黃連半夏陳皮茯苓攢藿香砂仁合成劑水煎徐服可安

全

温中止吐湯

白豆蔻研

茯苓

半夏薑製

生薑

水煎沖磨沉香汁服



**方歌** 温中止吐白豆蔻茯苓半夏共生薑臨服沉香汁加入專治嘔乳自寒傷

**平胃散** 蒼朮炒 陳皮 厚朴薑炒 甘草炙

麥芽炒 砂仁研 引用薑水煎服

**方歌** 小兒傷乳多吐嘔平胃調和功可見蒼陳厚朴甘草偕加入麥砂薑一片

**枳桔二陳湯** 枳殼麸炒 桔梗 陳皮 半夏薑製

茯苓 甘草炙 引用薑水煎服

**方歌** 停痰嘔乳不能安枳桔二陳湯最先枳桔陳半夏甘草生薑加入即時痊

夜啼

夜啼寒熱因胎受須將形色辨分明寒屬脾經面青白手腹俱冷曲腰疼面赤溺閉屬心熱熱用導赤寒鈎藤若無寒熱表裏證古法蟬花散最精註小兒初生夜啼其因有二一曰脾寒一曰心熱皆受自胎中觀其形色便知病情矣如面色青白手腹俱冷不欲吮乳曲腰不伸者脾寒也鈎藤飲主之面赤唇紅手腹俱熱小便不利煩躁多啼者心熱也導赤散主之若無以上形證但多啼者用蟬花散最當

鈎藤飲 川芎 白當歸 茯苓 白芍炒

茯苓 甘草 木香煨 鈎藤鈎 引用紅棗水煎服

卸纂醫宗金鑑 卷五十一 編輯幼科雜病心法要訣 四 上海啟新書局發行



〔方歌〕夜啼之證因脾寒須服鈎藤飲可痊芎歸神芍苓甘草木香鈎藤紅棗煎

導赤散 方見小  
便不通

蟬花散

蟬蛻 不拘多少  
用下半截

以上研細末每服少許薄荷煎湯調下

胎黃

兒生徧體色如金溼熱薰蒸胎受深法當滲溼兼清熱地黃犀角二方神註

胎黃者徧體面目皆黃其色如金乃孕婦溼熱太盛小兒在胎受母熱毒故生

則有是證也法當滲濕清熱須分輕重治之色微黃生地黃湯深黃者犀角散

生地黄湯

生地黄

赤芍藥

川芎

當歸

天花粉

赤茯苓

澤瀉

猪苓

甘草 生

茵陳蒿

引用燈心水煎食前服

〔方歌〕胎黃須用地黃湯四物花粉赤苓良澤瀉猪苓甘草等茵陳加入水煎

嘗

犀角散

犀角 鎊

茵陳蒿

栝蒌根

升麻

甘草 生

龍膽草

生地

寒水石 煨

水煎不拘時

服

根  
方歌 胎黃又有犀角散甘草犀角與茵陳升麻膽草生地共寒水石同括萸

胎赤

胎赤胎中受毒熱生後偏體若丹塗清熱解毒湯極妙蔣氏化毒功效殊  
胎赤者因孕婦過食辛熱之物以致毒熱凝結蘊於胞中遂令小兒生下頭面  
肢體赤若丹塗故名曰胎赤當以清熱解毒湯主之熱盛便秘者蔣氏化毒丹  
主之

清熱解毒湯

生地

黃連

金銀花

薄荷葉

連翹 去心

赤芍

木通

甘草 生

引用燈心水

煎服

加  
方歌 清熱解毒湯堪誇生地黃連金銀花薄荷連翹赤芍藥木通甘草燈心

蔣氏化毒丹

犀角

黃連

桔梗

元參

薄荷葉

甘草 生

大黃 各一兩生

青黛 五錢

以上為細末

煉白蜜為丸重六分每服一丸燈心湯化服





### 赤遊風

赤遊胎中毒熱成皮膚赤腫徧身行頭面四肢猶可治若歸心腹命難生內服犀角藍葉散外用砭法敷神功百日之內忌砭血貼塗二法可安寧註小兒赤遊風證多由胎中毒熱而成或生後過於溫暖毒熱蒸發於外以致皮膚赤熱而腫色若丹塗遊走不定行於徧身故名曰赤遊風多發於頭面四肢之間若內歸心腹則死治法當服犀角解毒飲如不愈繼以藍葉散外用砭法刺出毒血毒甚者敷以神功散毒輕者不用敷藥在百日內者小兒忌砭血以其肌肉難任也須用猪肉貼法或以赤小豆末雞子清調塗之甚效

犀角解毒飲

牛蒡子炒

犀角

荆芥穗 防風

連翹去心

金銀花

赤芍藥

生甘草 川黃連

生地黃

引用燈心水煎服

### 方歌

犀角解毒藥最良牛蒡犀角合荆防連翹銀花赤芍藥甘草川連生地

黃

藍葉散

藍葉五錢

黃芩

犀角屑

川大黃剉微

柴胡

梔子各二錢生

川升麻一錢

石膏一錢

生甘草一錢

以上為粗末每服一錢水一小盞煎五分去渣兌竹瀝一酒盃煎三兩沸放溫  
量兒大小用之氣怯弱者可去大黃

### 砭血法

口吮毒血各聚一處用細磁器擊碎取鋒芒者將箸頭劈開夾住用線縛定  
兩指輕撮筋稍令磁芒對聚血處再用筋一根頻擊刺出毒血砭後毒甚者  
以神功散敷之毒輕者砭後不可用恐皮膚既破草烏能作痛也如患在頭  
者不用砭法祇宜卧鍼倒挑患處出毒血則愈

### 神功散

黃蘗炒

草烏生

以上為末等分用漱口水調

敷頻以漱口水潤之

### 猪肉貼法

用生猪肉切片貼於赤腫處數數更換

### 塗法

生赤小豆不拘多少研為細末用雞子清調塗患處乾則再塗

### 初生無皮

兒生無皮有二端父母梅毒遺染傳或因未足月生早無皮赤爛痛難堪梅毒  
換肌消毒散胎怯當歸飲能痊外敷清涼鵝黃粉毒解形完膚自堅註嬰兒  
生下無皮其證有二或因父母素有楊梅結毒傳染胞胎故生下或上半身赤

編譯幼科雜病心法要訣  
上海故新書局發行

爛或下半身赤爛甚至色帶紫黑又有因月分未足生育太早徧體浸漬紅嫩而光二證俱屬惡候遺毒者內服換肌消毒散外用清涼膏或鵝黃散敷之胎元不足者內服當歸飲外用稻米粉撲之毒解形完者謂解去毒氣其皮自漸漸生完而堅實矣

換肌解毒散

當歸

生地黃

赤芍藥

川芎

皂刺

土茯苓

金銀花

連翹去心

甘草生

白芷

苦參

白蘚皮

防風

引用燈心水

煎服

方歌 無皮換肌消毒治四物皂刺土茯苓銀花連翹草白芷苦參白蘚共防

風

當歸飲

何首烏製

白蘚皮

白蒺藜

甘草

當歸

生地黃

白芍藥

人參

黃耆

川芎

水煎服

方歌 當歸飲治兒無皮面白肢冷服最宜首烏蘚皮白蒺藜甘草四物共參

耆



清涼膏

石灰

四兩未經水濕成塊者

用水泡之沒指半許露一指

面上有浮起如雲片者輕輕取之微帶清水視其多寡對小磨香油亦如之  
以順攪成膏為度用雞翎搽之自愈

鵝黃散

黃蘗

生

石膏

各等分煨

共研為細末撲之溼則乾撲

乾則用猪苦膽調搽

撲粉法

早稻白米作粉時時撲之其皮漸生神效

變蒸

萬物春生夏熱長兒生同此變形神三十二日為一變六十四日曰一蒸變長  
百骸生臟腑蒸增智慧發聰明十八五百七十六變蒸既畢形神成變蒸之狀  
身微熱耳尻骨冷無病情註天地生化萬物必以春溫夏熱兒之初生變生  
形神亦同此理自生之日至三十二日曰一變至六十四日曰一蒸變則長其  
百骸生其藏府蒸則增其智慧發其聰明也曰十八五百七十六者謂十變五  
蒸之外又有三大蒸合計五百七十六日也變蒸既畢形神具足此後則不復  
變蒸矣然每變蒸之時其狀惟身微熱耳冷尻骨冷而無他病情狀蓋以陰陽  
和變生化形神故無他病情狀也身微熱者以陰陽氤氳變蒸之氣而然也耳





尻冷者耳尻屬陰以陽不傷陰而與陰和之象故不熱也按變蒸既曰生五臟六府次序又曰包絡三焦二經俱無形狀故不變不蒸夫包絡乃周身脂膜聯絡百骸藏府者三焦乃軀殼內氣充滿百骸藏府者變蒸時豈獨不及之耶其說不經細閱靈素自知附辨以俟識者

### 驚風門

#### 驚風總括

心主驚兮肝主風心熱肝風作急驚素虛藥峻因成慢吐瀉後起慢脾風急驚陽證有實象慢脾陰證有虛形慢驚半陰半陽證虛實寒證要詳明註心藏神心病故主驚也肝屬木肝病故主風也凡小兒心熱肝盛一觸驚受風則風火相搏必作急驚之證也若素稟不足或因急驚用藥過峻暴傷元氣每致變成慢驚之證更有因吐瀉既久中氣大虛脾土衰弱肝木乘虛而内生驚風者名曰慢脾風也三者致病之因既不同故所現之證亦各異急驚屬陽必有陽熱有餘等實象也慢脾屬陰必有陰冷不足等虛象也至於慢驚初得之時陰陽尚未過損或因急驚傳變而成其中常有夾痰夾熱等證如屬半陰半陽不比慢脾純陰之病也治者須詳分虛實寒熱以治之庶不致誤矣





驚風八候

驚風八候搐搦掣顛反引竄視之名肘臂伸縮名為搐十指開合搦狀成勢者相撲謂之掣顛則頭肢動搖鈴反張身仰頭向後引狀兩手若開弓竄則目直常似怒視則睹物不轉睛內外左右分順逆須識急慢證皆同〔註〕八候謂搐搦掣顛反引竄視是也搐謂肘臂伸縮搦謂十指開合掣謂肩頭相撲顛謂手足動搖反者身仰向後引者手若開弓竄則目直而似怒視則睛露而不活其搐以男左手女右手男大指在外女大指在內為順反是為逆此候急驚慢驚同皆見之虛實無所異焉治者宜切記之

通關救急法

驚風搐搦神昏憤痰壅氣塞在心胸急用通關吹入鼻無嚏則死有嚏生〔註〕驚風搐搦必神氣昏憤皆由痰壅氣塞結胸中而致急用通關散吹入鼻內無嚏者不治有嚏者審其表裏虛實隨證治之

通關散

半夏生

皂角

細辛

薄荷

各等分

共為細末用筆管吹入鼻內少許

急驚風



急驚觸異心驚熱或由風鬱火生風暴發痰盛或熱極壯熱煩急面唇紅痰壅  
 氣促牙關噤二便秘瀆脈數洪驚用鎮驚風至寶牛黃攻痰涼膈清平治羌活  
 瀉青等化痰導赤共涼驚註急驚風一證有因目觸異物耳聞異聲神散氣  
 亂而生者有因心肝火盛外為風寒鬱閉不得宣通而生者有因痰盛熱極而  
 內動風者然證多暴發壯熱煩急面紅唇赤痰壅氣促牙關噤急二便秘瀆噤  
 急者齒緊急不能開也二便秘瀆者大便秘結而小便澀難也脈洪數者主陽  
 熱也觸異致驚者清熱鎮驚湯安神鎮驚丸主之火鬱生風者至寶丹主之痰盛  
 生驚者牛黃丸攻下之熱極生風者涼膈散清解之病不甚者則用平治之法  
 風熱者羌活散主之肝熱者瀉青丸主之痰兼熱者清熱化痰湯主之心經熱  
 者導赤散涼驚丸主之惟在臨證者審而用之

清熱鎮驚湯

柴胡

薄荷

麥冬去心

梔子

川黃連

龍膽草

茯神

鈎藤鈎

甘草生

木通

引加燈心竹葉調硃砂末服

方歌通清熱鎮驚治外驚柴胡薄荷麥門冬梔子黃連龍膽草茯神鈎藤草木

安神鎮驚丸  
天竺黃  
茯神各五錢  
膽星  
棗仁炒

麥冬去心  
赤芍  
當歸各三錢  
薄荷葉  
黃連

辰砂  
牛黃  
梔子  
木通  
龍骨各三錢

青黛一錢  
以上為細末煉蜜丸如菜豆大赤金箔為衣量兒大小與之

淡薑湯化下

至寶丹  
麻黃  
防風  
荊芥  
薄荷

當歸  
赤芍  
大黃  
芒硝  
川芎

黃芩  
桔梗  
連翹去心  
白朮土炒  
梔子

石膏煨  
甘草生  
滑石  
全蠍去毒  
細辛

天麻  
白附子  
羌活  
僵蠶炒  
川連

獨活  
黃蘗各等分  
以上共為細末煉蜜為丸每丸重五分量兒

大小與之薑湯化下

牛黃丸  
黑牽牛  
白牽牛各七錢半  
膽星  
枳實炒

半夏各五錢  
牙皂二錢去皮  
大黃一兩  
以上研極細末煉白蜜為丸重

五分量兒大小與之薑湯化下

編輯幼科雜病心法要訣  
上海啟新書局發行



涼膈散

黃芩

大黃

連翹去心

芒硝

甘草生

梔子

薄荷

引用竹葉生蜜煎服

無汗

者加防風羌活

方歌

涼膈散治膈熱盛梔翹苓薄荷芒硝黃便秘硝黃加倍用無汗更加羌活

防

羌活散

羌活

防風

川芎

薄荷

天麻

僵蠶炒

甘草生

川黃連

柴胡

枳殼麩炒

桔梗

引用生薑水煎服

方歌

羌活散風兼清熱羌防川芎薄荷葉天麻僵蠶草黃連柴胡前胡枳殼

桔

瀉青丸

龍膽草焙

梔子

大黃煨

羌活

防風各一錢

川芎錢半

以上研末煉蜜為丸如梧桐子大竹葉薄荷

湯調下

清熱化痰湯

橘紅

麥冬去心

半夏薑製

赤苓

黃芩

竹茹

甘草生

川連

枳殼麩炒





桔梗

膽星

引用生薑燈心水煎服

方歌 清熱化痰有橘紅麥冬半夏赤茯苓黃芩竹茹生甘草川連枳桔膽星

星

瀉心導赤湯 方見木舌

涼驚丸

龍膽草

防風

青黛 各三錢

鈎藤鈎 各三錢

黃連 五錢

牛黃 一錢

以上研細末麵糊為丸如粟米大量兒大小

與之金器煎湯化下

急驚後調理法

急驚之後尚未清痰熱琥珀抱龍靈神虛氣弱痰兼熱清心滌痰功效呈註

急驚多用寒涼之藥亦急則治標之法但得痰火稍退即當調補氣血若過用

寒涼必致轉成慢驚等證故驚邪一退餘熱尚在者當用琥珀抱龍丸主之若

脾虛多痰者宜清心滌痰湯主之

琥珀抱龍丸

人參

琥珀

茯神 各五錢

山藥 一兩

甘草 四錢

檀香 三錢

天竺黃

枳殼 麩炒

枳實 各五錢 麩炒

辰砂 三錢

膽星 五錢

赤金箔 二十片

以上為細末煉蜜為丸每丸





重一錢大兒一九小兒半九淡薑湯化下

清心滌痰湯

竹茹

橘紅

半夏薑製

茯苓

枳寔麩炒

甘草生

麥冬去心

棗仁炒

人參

菖蒲

南星

川黃連

引用生薑水煎服

冬  
方歌 清心滌痰湯效靈補正除邪兩收功參苓橘半連如草枳實菖棗星麥

慢驚風

慢驚多緣稟賦弱或因藥峻損而成緩緩搐搦時作止面白青黃身則溫昏睡  
眼合睛或露脈遲神慘大便青氣虛夾痰醒脾效脾虛肝旺緩肝靈〔註〕慢驚  
一證或緣稟賦虛弱土虛木盛者有之或由急驚過用峻利之藥以致轉成此  
證者有之發時緩緩搐搦時作時止面色淡黃或青白相兼身必溫昏睡眼  
合或睡卧露睛脈來遲緩神氣慘慘大便青色此乃脾胃虛弱治宜培補元氣  
為主虛而夾痰者醒脾湯主之脾虛肝旺者緩肝理脾湯主之

醒脾湯

人參

白朮土炒

茯苓

天麻


半夏薑製

橘紅

全蠍去毒

僵蠶炒

甘草炙



木香

倉米

膽南星

引用生薑水煎服

星

方歌

氣虛夾痰醒脾治參朮天麻白茯苓橘半全蠍僵蠶草木香倉米膽南

緩肝理脾湯

廣桂枝

人參

白茯苓

白芍藥炒

白朮土炒

陳皮

山藥炒

扁豆炒研

甘草炙

引用煨薑大棗水煎服

方歌

肝旺脾虛緩肝湯桂枝參苓朮良陳皮山藥扁豆草煎服之時入薑

薑

夾熱夾痰慢驚

慢驚夾熱或夾痰身熱心煩口溢涎宜以清心滌痰治白九柴芍六君煎註

慢驚之證本無熱可言但脾虛虛熱内生故痰涎上泛咽喉氣粗身熱心煩所謂虛夾痰熱是也痰熱相兼者清心滌痰湯主之脾虛肝旺痰盛者青州白丸

子柴芍六君湯主之

清心滌痰湯

方見急驚後調理法

青州白丸

生川烏

五錢去皮臍

生半夏

七兩

南星

三兩生

白附子

二兩生



以上為末盛絹袋內用井花水擺出粉未盡再擺以粉盡為度置磁盆內日曬夜露每早撒去舊水別用新水攪春五日夏三日秋七日冬十日去水曬乾研為細末用糯米粉煎粥清丸菜豆大每服三五丸薄荷湯送下

柴芍六君子湯

人參

白朮土炒

茯苓

陳皮

半夏薑炒

甘草炙

柴胡

白芍炒

鈎藤鈎

引用薑棗水煎服

**方歌** 脾虛木旺風痰盛四君人參朮草苓痰盛陳半因加入肝風更用柴芍

籐

慢脾風

肝盛脾衰金氣弱金失承制木風生每因吐瀉傷脾胃閉目搖頭面唇青額汗昏睡身肢冷舌短聲啞嘔澄清温中補脾為主劑固真理中隨病情註慢脾風一證多緣吐瀉既久脾氣大傷以致土虛不能生金金弱不能制木肝木強盛惟脾是剋故曰脾風閉目搖頭面唇青黯額汗昏睡四肢厥冷舌短聲啞嘔嘔清水此乃純陰無陽之證逐風而無風可逐治驚而無驚可治惟宜大補脾土生胃回陽為主吐瀉亡陽者温中補脾湯主之大病後成者固真湯主之四



肢厥冷者理中湯加附子主之

溫中補脾湯

人參

黃耆蜜炙

白朮土炒

乾薑

附子製

半夏薑製

陳皮

茯苓

砂仁

肉桂去粗皮研

白芍炒焦

甘草炙

丁香

引用煨薑水

煎服

方歌

慢脾溫中補脾湯參耆白朮共乾薑陳半附苓縮砂桂白芍甘草共丁香

香

固真湯

人參

白朮土炒

肉桂去粗皮

白茯苓

山藥炒

黃耆蜜炙

甘草溼紙裏煨透

附子去皮臍湯泡浸

引用薑棗水

煎服

方歌

固真湯治慢脾風人參白朮桂茯苓山藥黃耆煨甘草附子浸泡最宜

精

理中湯

方見不乳

痢證門

痢證總括

編輯幼科雜病心去要訣 上海政新書局發行





小兒癇證類症驚發時昏倒搐涎聲食頃即甦如無病陰陽驚疾食風分註  
癇證類乎驚風癇風者謂發時昏倒抽搐疾涎壅盛氣促作聲與驚癇二證相  
似也但四體柔軟一食之頃即醒依然如無病之人非若癇風一身強硬終日  
不醒也陰者陰癇也見藏陰證陽者陽癇也見府陽證驚癇因驚疾癇因痰食  
癇因食風癇因風其證不一治亦不同臨證宜詳辨之

### 陰癇

陰癇屬藏肢厥冷偃卧拘急面白青吐沫聲微脈沉細醒脾固真定癇靈註  
陰癇屬陰藏寒之病也多因慢驚之後痰入心包而得發時手足厥冷偃卧拘  
急面色青白口吐涎沫聲音微小脈來沉細輕者醒脾湯甚者固真湯病退調  
理用定癇丹主之

醒脾湯

方見慢驚門

固真湯

方見慢脾風

### 定癇丹

人參 三錢

當歸 三錢

白芍 三錢

茯神

棗仁

各五錢炒

遠志

三錢去心

琥珀 三錢

天竺黃 四錢

白朮

五錢土炒

橘紅

半夏

薑製

天麻 各三錢

鈎藤鈎 四錢

甘草

錢二

以上共為細末煉蜜丸如榛子大每服一丸淡薑湯化服





陽癇

陽癇屬府身熱汗仰卧面赤脈數洪噤急啼叫吐涎沫龍膽瀉青與抱龍註  
陽癇屬陽府熱之病也多因急驚去風下痰不淨久而致成此證發時身熱自  
汗仰卧面赤脈象洪數牙關噤急或啼叫不已口吐涎沫如風兼熱者用龍膽  
湯肝經熱者用瀉青丸痰涎壅盛者用四製抱龍丸主之

龍膽湯方見

瀉青丸方見

四製抱龍丸

天竺黃五錢

辰砂二錢

膽星一兩

雄黃二錢

麝香一分

以上為極細末另用麻黃款冬花甘草各五錢煎湯去滓慢

火熬成膏合藥末為丸如芡實大每服一九薄荷湯化下

驚癇

驚癇觸異驚神氣吐舌急叫面白紅發作如人將捕狀安神大青鎮驚功註  
小兒心肝熱盛偶被驚邪所觸因而神氣潰亂遂成癇證發時吐舌急叫面色  
乍紅乍白悚惕不安如人將捕之狀先服大青膏次服鎮驚丸則癇自定矣

大青膏

天麻三錢

白附子二錢

青黛一錢

蠍尾一錢

硃砂一錢

天竺黃二錢

麝香三分

烏梢蛇肉一錢

焙乾



以上同研細煉蜜和膏每服大兒五分小兒三分薄荷湯化服

鎮驚丸

扶神

麥冬各五錢 去心

辰砂

遠志去心

石菖蒲

棗仁各三錢 炒

牛黃半錢

川黃連三錢 生

珍珠二錢

膽星五錢

鈎藤鈎五錢

天竺黃五錢

犀角三錢

甘草二錢

以上共研細末煉蜜為丸每丸重五分量兒與之用淡薑湯下

痰癇

痰癇平素自多痰發時痰壅在喉間氣促昏倒吐痰沫一捻金與滾痰丸註

痰癇者因小兒平素痰盛或偶因驚熱遂致成癇發時痰涎壅塞喉間氣促昏

倒口吐痰沫宜先服一捻金以急下其痰次服珠衣滾痰丸則氣順痰清而癇

自止矣

一捻金方見 不乳

珠衣滾痰丸

礞石一兩 煨 兩

沉香五錢

黃芩七錢

大黃一兩

以上為細末水泛為丸珠砂為衣多寡量兒大小白滾水化服

食癇

食癇食過積中脘一時痰熱使之然面黃腹滿吐利臭妙聖滾痰和胃安註



食癩者其病在脾因小兒乳食過度停結中脘乘一時痰熱壅盛遂致成癩其初面黃腹滿吐利酸臭後變時時發搐宜用妙聖丹主之痰盛者硃衣滾痰丸主之後用清熱和胃丸調理則積滯清而驚癩定矣

妙聖丹

雄黃

蠟梢

硃砂

代赭石

各二錢 煅 研 洋

巴豆

三個 去油

杏仁

二錢 炒 去皮 尖

以上共為細末蒸棗肉丸如桐子大每服二

五丸木香煎湯化服

硃衣滾痰丸

方見 痰癩

清熱和胃丸

川連

五錢 生

梔子

五錢 生

竹茹

四錢

麥冬

五錢 去心

連翹

四錢 去心

山查

一兩

神麩

一兩 炒

麥芽

一兩 炒

陳皮

四錢

枳實

五錢 炒

大黃

五錢

甘草

三錢 生

以上為細末煉蜜為丸每丸

重一錢量兒與之用白滾水化下


風癩

風癩汗出風襲經二目青黯面淡紅十指屈伸如數物化風羌活牛黃功

註

風癩因汗出脫衣腠理開張風邪乘隙而入發時目青面紅手如數物治法先

宜疎風解表輕則化風丹主之重則羌活桂枝湯主之風兼痰者牛黃丸主之



化風丹

膽星 二錢

羌活

獨活

天麻

防風

甘草 炙

荊芥穗

人參

川芎

錢各一

以上為細末煉蜜丸皂子大每服一九薄荷湯化開服

羌活桂枝湯

羌活

防風

麻黃

桂枝

天麻

大黃

甘草 生

引用生薑水煎服

方歌 羌活桂枝治風癩疎風瀉熱妙難言羌防麻桂天麻草大黃煎服自然痊

牛黃丸

膽星

全蠍 去毒

蟬退 錢各半

防風

牛黃

白附子 生

僵蠶 炒

天麻 錢各五分

麝香 五分

以上為細末煮棗去核皮取肉和丸如菜豆大每服三五丸生薑湯化服

